

四百三十二峯草堂詩鈔

四百三十二峰草堂詩鈔卷第十七

惠州 趙希璜 渭川

丁巳

人日立春用昌黎人日城南登高韻

人日兼春日

用張繼句

巧弄復戲弄落梅效黠額限韻各阿凍

東坡詩題人日獵城南會者十人以身輕一鳥過槍急萬人呼爲韻

角觝逞奇技傀儡競歡

用禮尙勾芒迎鞭擊土牛從剪綵萬形備照曉百華共荆俗愛雕鏤晉風欣饋送登高折新柳貯火積老葑悽瞻人晏并裴沈迴波縱打毬交宛轉如梭何倥偬攜手上暮頤出岫雲光重

題春曉試粧圖

漏聲催曉何丁東疏牕散綺朝暎紅流鶯喚醒鴛帷夢鏡
臺香度梅花風梅粧賦媚壽陽事勻脂調粉春光濃倭墮
雙鬟綠雲擾柔情一點靈犀通丁香細纈海棠睡遊蜂鬧
蝶喧牆東天姿國色豈脩飾明眸皓齒非妖穠畫師作此
費慘淡侍兒旁立都雍容執巾執幌露蔥指如烟如霧迷
珠櫳披圖始覺枉延壽館娃不是嬉吳宮洗頭盆飛太華
杳倚天玉女投壺工

郊行

郊行祇覺春光好村婦來迎春夢婆共笑六年真俗吏可
知千載有東坡葱隴日煦佳山水澹蕩風吹舊笠簑燕語
鶯啼欣得所最繁華處綠陰多

北齊銅雀臺碑

碑濶五寸七分長五寸一分共七行前六行每行七字後一行八字字類鍾王楷書而帶隸體前四行二十八字其辭云大齊天保八年九年造銅雀臺石叢之門百代之後見此銘者當復知之後三行題名云將陳驥軍副程顯承婁晞幢主孫悅軍主董侯幢主楊曇是碑於嘉慶元年五月攝臨漳令童進庭署正疏挑漳河得之持以眎余按北齊天保八年丁丑春正月爲北周孝愍帝覺元年梁敬帝太平二年是冬十月爲陳武帝永定元年考北齊書天保七年六月發丁匠三十餘萬人修廣

三臺宮殿此碑云云則在李集面諫之次年矣

天保初政有可觀鄴都鞏固磐石安七年六月發丁匠修
廣三臺宮殿追阿瞞曹魏石趙極奢侈崢嶸岌業摩陵巒
上有龍銜流蕪百尺之寶帳下有龜飲蘭湯千斛之廻瀾
棘子成林悲太武佛圖澄去瘞石虎百年後作此銘人曰
將曰承曰幢主軍主軍副監造俱六臣健筆題名古銘詞
二十有八字懸針倒薤鍾王伍特書八年九年間荒淫狂
悖齊文宣醉笑龍逢比干非俊物鞭揮紫陌橋畔西巡稍
騎圍百官正道尙幼語李后人將奪之誰爲憐奪則任汝
慎勿殺我生不有命在天茲碑鄭重警後世石輦門開銅
雀逝氷井金鳳草萋萋閣道浮橋風細細荒涼莫或賦齊

都瑣碎偏工撰陸翹幽香古墨搨貞珉殷勤重補鄴中記
送郭應崑學博歸邳縣

蘓氏風流德有鄰先生况是邳城人一觴一詠童遊處佳
水佳山物外身與我同官剛六載逢君解組恰初春年年
送客誰爲郡笑煞桓公座上賓

走橋

柳欲窺春眼尙緘溫柔月照白綾衫安陽橋上人如海不
見東風送錦帆

萬人何事笑牽裾百病原來走易除共說宵行好腰腿嬌
羞不上七香車

卽景

上三三
小院梨花一樹佳
昏黃閒步下堂階
冶春詞摘唐人句
嫩綠新莎沒繡鞋

春睡

誰識先生春睡濃
鶯聲百轉間疎鐘
懶殘難醒迷離夢
恍忽親遊縹緲峰
萬樹梅花迎舊侶
雙輪蛺蝶笑前蹤
葛洪鮑靚無聊甚
招赴瓊筵邂逅逢

暖

半月東風暢三分
淑氣催暖知湖上
鴨春透嶺頭梅香
雪掃不盡烟波吹
忽開野人何所獻
端爲負暄來和藹
色可愛溫柔時始
更衣香行處好春
影望中生裊裊遊
絲軟離離候鴈橫
狸奴戲花下底事
蝶魂驚

寄周駕堂太史

時客歸德以蜀遊草見寄

六載杳然去兩川行路遠寄我蜀遊草如歷劒雲棧馬大
上灩澦蠻謳出洞蠻迎神眉山祠神憐相見晚浪跡錦江
頭時節芳菲滿卜豈訪君平詩還弔房琯臨邛酒試沽草
堂花待澣十二玉芙蓉夢魂牽不斷重疊紫翠間撩撥青
白眼啼猿千里送歸舟一笑遣書忽來宋州正月梅初暖
豪興語老友深情通密款自愧陶潛狂况共嵇康懶瓊瑤
報答遲不是知音罕

眼花戲作

烟雲撩亂去仍來兩眼昏花狂自猜瞎馬漫教騎夜半空
函同是可惜才

懷門人高雲亭檢討

去年過我榴花紅花間小酌花陰濃老門生入玉堂選奇
文健筆塵羣雄我今皤然白髮翁君心猶壯顏猶童啖肉
數斤酒數斗有力如虎趨如風聳聽兩耳胡爲聾漫說額
角兼能聰聶生不必誇令聞許丞豈自甘龍鍾別我手指
西復東口稱師恩優且隆出門惘惘淚忽墮斷梗落落驚
飄蓬倚樓獨對春光融天桃楊柳鶯聲中那知宛轉綢繆
意恰與風詩求友同

早起

漏殘風澹月朦朧春在鶯聲百轉中底事惜花人起早曉
烟輕壓海棠紅

花信

二十四番花信風吹開萬紫與千紅都於水面文章見始
識春來造化工佳會已教憐處士華筵何必惱司空輕狂
情性今持重人在夷猶澹蕩中

踏青

誰家年少歌青陽青草年年愁斷腸郊原一碧暮春色羅
列碎錦山花香輕裘緩帶蠟阮屐敲金戛玉歸奚囊天天
者桃依依柳柔情媚眼交風狂老夫朦朧霧中看嫩莢頗
似生枯楊更遵洹水鄴城曲言尋紫陌漳河旁解珮錯認
鄭交甫志諷空感陳思王欲將童冠與偕意殷勤語我佳
兒郎

種荷

鑿池種荷花鄴中吏隱家不著愛蓮說摘藻揚天葩煥然
幽香生莞爾餐雲霞藉竒坦白懷何有毫釐差初植玲瓏
根漸茁翡翠芽田田雨後錢閣閣風中蛙怡情還悅聽室
邇其人遐無須咒鉢僧偏袒披袈裟

種菊

種荷復種菊東籬在東麓曾受遠公戒况接西史躅西史
治漳水桑麻稱土沃顧我得緒餘澆花頗霑足栽培不憚
煩灌溉聊免俗三月芽新分四月了如簇朝夕課時雨樓
鋤勤五六待得餐落英已飽幽人目

再申酒榼嘲胡四竹樵

從前佞佛兼嗜酒佛號長宣卮在手而今打破酒中禪把
杯欲度忘年友將身說法空非空色卽是空君記否青山
久已埋劉伶白日何曾走伯有紛紛花片飛蓮臺融融樂
意傾春醅豈其醒者傳不得留與太白樽爲開諸天菩薩
聲叫苦大弟子竟衣沾埃如來證果未能了天女拈花微
笑回

餉花詩

安陽西南鄉距城四十里有淑村焉平岡環繞淑
泉北流居是村者以種花爲業頗似南中風景予
門人侯生錫桓聚族而居雞犬桑麻飄飄有出塵
想花時輒來城以花餉予爲作餉花詩

年年花事春風忙養花天氣催艷陽
淑村有泉太行麓侯生聚族茲村旁
餉我春蘭與秋菊孤芳頗稱幽人福
粼粼一勺泉水清汪汪千頃桑麻綠
桃源豈必通仇池花開花謝裁新詩
神仙不解虛無事南客遙思櫻筍時
我已離家十四載萬里鄉心歸粵海
換骨難求勾漏砂栽花莫繼河陽宰
何當一遇安期生相將攜手譚蓬瀛
四時風景春常在五畝琅玕屋角橫

遊小南海

水中犬吠雲中聲西南一角青山橫
有時雲氣化蒼狗徧縈山樹迷黃鶯
波上桃花波底月尺二鯉魚風潑潑
潮音梵唄悟真禪初利光明出林樾

偶成

拂檐故作依人態
小鳥營巢銜落花
丰韻翩翩花外影
護花鈴響受風斜

荷池方繞曲闌干
新出荷錢貼水圓
底事青蛙鳴閣閣
一鉤月掛碧筠竿

槐芽初茁猶龍爪
竹已成陰鳳尾橫
槐竹滿園春色暮
訟庭閒稱長官清

白芍藥

金帶圍成廣陵散
瓊花觀遇藐姑仙
似同鄭旦稱雙艷
拚在揚州夢十年
映月色香非幻影
翻堦璧合復珠聯
雪衣能誦心經句
來結前生未了緣

五言古詩卷之十一
白衣宰相留手度皓首經生契素心長侍花王輪皎潔競
擎婪尾獻規箴天光浩浩誰能擬春影離離不可尋首夏
清和三日雨曲闌四面現觀音

梨艷村

漳河之南有村名梨艷者與臨漳之三臺村毘連
向稱沃壤茲屢遭水患萬家烟火半入洪流巨浪
中矣

小村萬樹梨花艷漳水東流春影澹銅臺已邈誰分香紅
線歸來猶佩劒斗牛宮忽垂寒芒平鋪雪浪輕風颺羽衣
霓裳互皎潔嵐光月色交廻翔不見華宮通紫陌終古韓
陵留片石濁漳曲折奔濤黃浮雲西北高樓白風鬟雲髻

歸汪洋村前村後遙相望豈其河伯復娶婦尙懣鄴令沉
巫娘梨艷於今波汨沒慷慨悲歌聲激越怪他老蚌生明
珠獨自含貞花作骨

梅雨歌

黃梅雨起風脩脩蒸騰濕熱同江湖嶺南此時荔子熟豫
北珍果羞含桃筠籠滿貯野老饋蔗漿飽飲詩人豪猩紅
同是火雲染金丸又墜青林梢南阡北陌散絲密迷離蕩
漾烟巒遙雨珠雨玉豈世寶下尺上尺滋土膏槐夏陰清
麥秋至月離於畢鳩啼巢芳田好雨應佳節已聞汪濊來
民謠

悼崧孫二首

忍將齊物說蒙莊畢竟忘情莫可忘乃祖前年奇鎮惡難
兄今日悼元方譚會捫虱知心少公不如卿引恨長小塔
天寧寺中築未來過去問空王

三歲不言亦不笑無知無識一生過我之痛爾情偏切子

又生孫好獨阿智慧總教歸渾沌幽憂那禁淚滂沱含飴

二女依肩立

二女孫稍長
皆知悼弟矣

哭弟聲聲喚奈何

端午日孫藥闌以扁鵲艾見餉賦此答之

欲醫七年病博訪五日艾湯陰扁鵲墓蔓草荒烟外有艾
長似人蓬生同倒薤幽香含薰風靈根留虎蛻採以正午
時饋從條達至猶能起沉痾豈其遭鬼刺裝點天師鬢典
故荆楚記鵲巢憐鳩居誰取炙雙臂

追憶

竟日意忽忽肝腸縈亂絲年來何事好老去得孫遲一病
遽天折三生滋隱疑茫茫望前路宦況祇如斯
豐頤廣顙好兒郎大目濃眉較我強千古傷心不平事達
人偏自說彭殤

喜雨詩

火雲如繖風如燒侵晨赫赤陽烏驕癡龍伏淵不敢出况
有怒吼爭咆哮河水飛塵石欲爛商羊裹足禾無苗一雨
三日是誰力千倉萬箱謹叫囂民曰祈禱自太守守曰不
有歸蒼霄惟願十日復一雨塗體沾足忘其勞

夏邑李綺園秀才見訪賦贈

菖蒲綠生花石榴紅照眼有人自南至訪我興匪淺不坐
剡溪舟豈悵臨河返輕車馭長風閒雲任舒卷養成野鶴
性自笑爲犧免醉吟太白詩紙擘蘭亭繭轉憐我服官猶
同驚戀棧揮汗走赤日負鹽走長坂旣無叅軍髯又非主
簿短喜怒憑桓溫絃歌愧言偃少年仕宦情今日芳菲晚
新闢吏隱園聊仿忘憂館種菊陶潛忙鍛柳嵇康懶莎階
草不除陋室書銘滿榻因曠達懸禮以疎狂簡白飯與青
芻是否風規遠

雨後行畦

雨後行畦摘嫩蔬管城食肉相何如庾郎清瘦詩才富不
使山家習氣除

蜀葵千葉滿畦花五色
繽紛麗彩霞殘雨半含紅
日外池
塘閣閣叫青蛙

王瓜已老莧苗紅
茄子離離地一弓
三尺土墻纏豆角花
開紫白葉青葱

短脚蜘蛛織網工
草間絲散雨濛濛
綠茵輕羃水綃帕
蜂蝶紛飛避綺叢

六月初一日喜晴

乍晴乍雨氣溫涼
日色曛曛玉潔光
不詠紅塵妃子笑
長生殿奏荔枝香

風過磨盤空裏走
天開北斗七星高
北澗禪師六月一日

走楊億因演之曰八角磨盤空裏走金毛獅子
變作狗擬欲藏身北斗中
應須合掌南辰後
那須避暑

尋脩竹試聽松聲起暮濤

銅劍歌

劍長二尺一寸三分莖長三寸五分五分之
一臘廣一寸七分二十分分之一十五身長一尺七
寸七分二分分之一嘉慶二年六月得之於鄴肆
予同年嘉定錢獻之云是周器其古器款識曰攷
工記桃氏爲劍臘廣二寸有半寸兩從半之以其
臘廣爲之莖圖長倍之中其莖設其後參分其臘
廣去一以爲首廣而圍之身長五其莖長重九銖
謂之上制上士服之四其莖長重七銖謂之中制
中士服之三其莖長重五銖謂之下制下士服之

注臘兩刃也鄭司農云莖謂劍夾人所握鐔以上也康成謂莖在夾中者莖長五寸鄭司農云中謂穿之也康成謂從中以却稍大之也後大則於把易制首圍其徑一寸三分寸之二上制長三尺重三斤十二兩中制長二尺五寸重二斤十四兩三分兩之二下制長二尺重二斤一兩三分兩之一此今之匕首也人各以其形貌大小帶之經注義並明哲但上制劍長三尺其臘二寸有半中制較短六分之一下制較短六分之二而臘莖首仍與上制等同未免於形制不符以例論之則劍身四其莖五其莖則臘首及莖亦隨身而遞降也此器

得於乾隆庚戌八月以建初銅尺測之與記云云
皆相準合又中其莖設其後注義雖明但世人未
見器物究不能確切指証故賈公彥等疏於此注
下溷而不言余謂中其莖者謂三分其莖而中作
兩夾也夾者所以分夾四指上夾容食指中夾容
中指下夾容無名及小指二故下夾稍長設其後
鐔也大作鐔所以制把說文解字曰鐔劍鼻此其
義又夾史記孟嘗君傳作鈇云長鈇歸來乎楚詞
帶長鈇之陸離是有長鈇者亦有短鈇者長夾卽
長劍上士用之者是也短鈇卽短劍下士用之者
是也三代之物留遺後世可以藉之証考經書其

爲功不小惜我輩窶窮末由罔羅散逸事事辨明
致使和弓兌戈埋沒於賈豎之手悲夫所謂恨古
人不見我恨我不見古人者以此夫又攷康成云
下制劍長二尺此是周尺非漢尺也康成就攷工
記云云持論故爲此言如此噐台建初尺爲長二
尺一寸三分是漢尺此周尺較短六分又二分分
之一矣卽此可以知周漢尺之殊

金蛇黃土花碧墮地寒澄秋水色剗犀甲截輕鴻出匣光
削青芙蓉蛟龍捧鑪雷發鼓若耶溪涸乘風舉寶鏐曾經
太乙觀神芝未許公孫舞我得此劍鄴城肆錢子云是周
京制韋弁裨冕上士服五莖九錡攷工記鏗然飛起鬥雌

霓直倚天門尋桂魄要憑盛氣陵吳剛不向空山娛許寂
畫錦堂謁韓忠獻公遺像

日星河嶽瞻襟抱歸鄉富貴抽身早天津橋上啼杜鵑畫
錦堂中泣遺老我拜公像景公遇慎守先朝舊法度五六
書生一婦人撤簾當陞披雲霧

四百三十二峰草堂詩鈔卷第十八

惠州 趙希璜 渭川

丁巳

鐵牌歌

邯鄲縣聖井岡元女廟志載井中有蛇黃頭綠尾
元延祐時禱雨汲井投以鐵牌雷雨立至輒鑄新
牌投井以紀神應云

登元雲棲崑崙伯益作井儀軒轅黃鐘宮蕤賓鐵鏐鏐
鐸響欲裂邯鄲城外聖井岡黃頭綠尾神龍藏延祐鐵牌
四百五十有四載號召風雷頃刻變駭而湧滂我聞神龍
畏鐵如畏虎逆鱗徑尺誰敢侮又聞神龍有慾人得制綦

龍氏必投所嗜當生不生尅者生五行倚伏交虧盈以金
範木木生水如鑕取火暑伏庚今年亢旱已兩月禱雨仍
尋雲水窟新牌轉較舊牌神金瓶素纓寒漿淳喜雨亭子
岐山東喜雨亭記蘓長公好將祈請紀靈異豈必江心鑄
應龍

池荷始開一枝同人讌集率成四首

未擇五沃土新荷開一枝庾郎歸儉府王母出瑤池萬碧
拂紅袖孤芳饒綺思毋勞涉江采根自華山移

手持一書至自稱東海來葉中非偃卧花外肯趨陪叉角
面如玉清漪風淨埃星精遊太乙炁炁笑爲媒

心契芙蓉久官經靈武通

時寄懷楊
蓉裳刺史

伊人歌宛在使我意

俱消丰度與競爽
芬香原獨超
碧筒傳飲處
若箇暈紅潮
夜光在元岫
灼若尋扶桑
有龍啣燭立
照客引杯長
皎潔
羞並蒂炎蒸
宜晚涼
楚騷披月下
七澤與三湘

題武明府億虛谷圖

我昔讀書羅浮石
鑑之山中夜觀羲和浴
日開心胃又曾
躡屩明星玉女之石室
戲侮高枕鼾睡希夷翁
手携謝朓
驚人句搔首問天天不語
清風習習兩腋生逍遙
杳杳南
溟去杭州黃小松人中陸士龍
偃師武虛谷洛下蘓玉局
小松奮筆作此虛谷圖
虛旣生白白生虛
劃然二山巨靈
劈豈其創意愚
溪愚仿佛太華壁立兮
矗烟霄而萬仞羅
浮離合兮盪風雨而
模糊中有一人抱璞守
真心與貌古

堂有德鄰笑石崇之非侈後李愿以歸盤異求友而遷喬
木好援琴而彈猗蘭我遊南溟絕塵壻欲仿齊諧續志怪
君不見無何鄉廣莫野彷徨其側逍遙其下不天斤斧物
無害又不見似鼻似口似耳似枅似圈似臼似洼者冷風
小和飄風大和斯乃衆竅爲虛調調刁刁之天籟

閏六月初九日追涼荷圃用范石湖登姑蘓臺避暑

原韻

生年纔半百來鄰已三閏今夏苦炎熱義言愧長進

支道林住

東安寺王長史往與支語不大當時王叙致作數百語自謂名理奇藻支徐徐謂曰身與君別多年義言了不長進

作詩拾牙後猶日扇餘燼

坡詩我老心已灰空煩扇餘燼

風景憶永嘉官

長非靈運薰風生微涼池荷神朗俊一枝矜獨秀華井聳

峭仞牛飲笑傳杯魚戲忽變陣羣唼水瀾瀾于飛鷺振振
平沙篆體精闌干丁字印渺然情思遠百尺何潛愠漸覺
弦月上且喜新秋近仰視碧天痕斜掛犀角暈欲繼南園
派粵東有南園五子誰發西崑輒莫能娛醉客筵前怯強韻

閏月十五日立秋暮熱甚與門人張雲亭趙小築暨
兒子惺論詩用楊誠齋暮熱追涼郡圃韻

老子遊心在物初不知姑射玉爲膚手揮團扇紅蕖外笑
問金風月上無

莫誇新作過黃初鏤刻難追膩理膚才子羣推元白體可
能七月試之無

二十四日荷花盛開再集吏隱園

閣閣爭鳴兩部蛙藕花開到十分佳亂頭粗服識西子翠

袖紅顏歸館娃不惜土城教歌舞

余開池種荷已歷三年今歲始開

誰知

玉井巧安排却逢閏月觀蓮節回首姑蕪樂事皆

花房含露露凝香水面風來小閣涼合付騷人供嘯傲况
開北牕夢羲皇肌膚乍爽新秋氣豔冶平分曉月光十頃
玻璃五畝宅鱸魚蓴菜寄情長

七月七日偕孫藥園陳竹圃賞荷疊前韻

登樓杳杳憶潛蛙

子建繡虎仲宣泥下潛蛙

好似殘荷雨後佳一代才

名推七子

花開適符七枝之數

同心蓮實採雙娃蒹葭秋水予懷遠

風月晴空鴈字排留得建安餘韻在珠光的樂鄴中皆

爲裙採纈落花香剪斷蛟綃沁骨涼賦手久輸曹子建

脣下問馬師皇已飄絳雪雙星外仍瀉銀河一尺光
鵲鵲交交同乞巧可能牽引藕絲長

曬衣

竿掛中庭犢鼻褌道南誰識布衣尊未能免俗空復爾聊
以自娛寧憚煩在笥緼袍烘麗日渡河織女笑黃昏小樓
花入清風引巧爲彌縫舊綫痕

湯陰縣署池荷盛開牡丹競秀孫藥闌大令折柬招
飲三疊前韻

笑煞公孫井底蛙浣花不識錦江佳何因鹿韭歸蓮社擬
作濤箋寄蜀娃老去未光交富麗秋來競爽孰擠排池邊
石畔欣同夢國色幽香樂孔皆

持贈蓉裳一襲香花王侮弄世炎涼倚闌縱目吟秋水煉
石迴天問女皇不與烟霞爭幻影恰從離合起神光轉移
造化仙人手頃刻金聯託諷長

步和衛梅村新秋客夜原韻

閒吟秋水悟黃庭獨對孤燈午夜青疎雨滴來聲瑟瑟殘
荷開尚影亭亭漫教夢逐金風醒好遣愁隨玉漏停螢火
微茫飛冷燄三三兩兩度窗櫺

秋雨

梧桐淅瀝芭蕉響秋雨迷濛秋霧橫慘綠幾叢衰柳色新
涼萬里故人情登樓望遠來王粲裏足行吟泣步兵如醉
如癡眠不得鴈聲嘹亮正三更

採蓮子供饌四疊前韻

閩粵人嘲錦襖蛙蛙披錦襖絳房佳天孫軋軋操新杼蓮
子青青剥小娃美味繹來非悅口苦心識得豈難排曉星
幾點嵌霄漢池內牟尼一串皆

飽噉饒他冉冉香還丹九轉愛清涼已修淨業同彭澤更
品名泉學贊皇落落悲秋增客恨離離貫月有瑤光綠衣
我爲冰肌卸姑射神人引興長

食花香藕五疊前韻

漫誇煎鱸與魚蛙藕薦香醪入口佳粉臂久藏秦客劍細
腰不是楚宮娃看他醞釀千絲密剖出玲瓏七竅排誰識
淤泥偏皎潔處身清濁笑能皆

切來猶自帶花香分得新秋一段涼到此微茫泰圻淨如
船浩淼踏英皇植根早結水霜操合璧交輝日月光節候
又驚園柳變池塘有夢我情長

哭畢弇山尙書

星隕湖襄畫角悲陣雲猶逐羽書馳擒渠五月忘勞瘁善
後三苗有事宜宏獎人倫天下望轉移風化大宗師峴山
高聳雲霄外八百孤寒墮淚碑

九日

筵開畫錦韓忠獻楓冷吳江崔信明

唐崔信明曾任安陽令

作令十

年詩思減登高九日鬢霜盈菊猶滿徑未歸去老不如人
嗟送迎豈是折腰因五斗自書下考有陽城

洋菊歌

鯉魚風起青女霜
醽醁國老秋容香
高晚節顧海洋
佳種五色斑斕瀟灑閒情一囊錦繡筵開生面畢
卓持螯服轉方瞳王宏送酒不濫觴於彭澤鋪張
籬下黃金萸落帽之叅軍歌詠山前白雪云爾

東洋菊種以百計擇其佳者娛隱吏經年灌溉走赤日九
月霜華催綺思一種翩翩黃鶴翎籬邊的皜舒金翅一種
皎皎白玉樓階前蕩颺披雲帔更有霓裳拖藕色紫荷衣
襯楊妃醉紅燒鶴頂耀人目碧吐松針簇鳳髻參參差差
海屋籌踈踈密密鴛鴦帶瑤臺月照老君眉青山雪掛瓊
姬佩佳種一一不可數狂生放浪形骸外清癯頗稱餐落

英少小原無溫飽志

風前菊

瘦枝落落曉風前五色繽紛斷俗緣十八姨新添爽氣三千客共馭雲輶吹將鶴氅何豐滿占得秋容獨秀妍如向南華尋列子對他丰韻我泠然

雨後菊

濛濛漠漠冷秋烟花淡花濃九月天欲使晚香盟皎日故教小雨灑芳田老夫未識琴中趣龍女空參指上禪萬段鮫綃鋪碎錦祇因心遠地能偏

月下菊

奏罷霓裳羽衣曲素娥縹緲出瑤臺寒光先在東籬滿仙

吏原從上界來戲染彩雲成薄暈漫勞刺史送新醅折腰
顧影同他澹藉證優曇衆妙該

霜中菊

霜酣分外覺清姿傲骨稜稜是我師丹飫紫瓊飄鶴髮箋
題紅葉和陶詩江籬苜蓿局羣日醉舞狂歌落帽時畫錦
堂前尋老圃堅持高節少人知

哭王明府復二首

聞君久已患沉疴猶賦新詩凍筆呵頗羨盈川能作令詎
知彭澤不同科廿年名士官聲好千古才人地下多仲則
相逢勞問訊葯房消息又如何

福與才名折未齊夷門寓感共淒淒

乙卯冬予賦夷門寓感詩秋聲和韻有云

福與才名

折未齊遂教永別成詩識

正值重陽訪菊蹊

風雨滿城花有淚飄零斷梗我先迷東籬獨莫傷心酒卮落渾忘手自携

楚王廟碑

氣蓋世力拔山叱咤風雲變色間狼如羊猛如虎逐鹿中原三戶楚淋淋手提上將頭宋義不死忘秦讐重瞳九戰絕甬道百萬空壁觀諸侯萋萋宮殿咸陽火置俎杯焚幸分我鴻溝已畫歸彭城跳梁畢竟成么麼時不利雖不逝烏江自刎虞兮淚漢歌四面楚人多漢室惟知尊義帝顏垣敗壁搖秋風何曾陌上遺民逢奏毀淫利吾輩事豐碑貽誦檄梁公

楚王鎮卽事

居然風景似江南
河水平堤月半含
人影橫聲衰柳外
小橋紅葉正霜酣

菊有黃華九月中
菜畦的皪短籬東
船頭人說揚州話
四面窻開兩扇篷

曉霧

嫩晴凝曉霧
朔鴈下長風
十月小陽好
三春佳景同
人家疑蜃市
估客趁鮫宮
輻輳楚王鎮
漕船正運通

運至通
州交卸

石鑑圖

少時作此圓頂相
今日追回尙神王
去聲石樓大小聳羅浮

石鑑空明證無上早參一指天龍禪屏風四面琉璃帳袈
裟紅搭暮烟紫長松翠湧寒梅放箇中有我亦非我山外
青山塵外障回首蒲團廿七年披圖對我胡茫然髭鬚如
戟白於雪此心匪石水同堅始知一切有爲法夢幻泡影
露電觀邇來更得真如樂非色非空玉宇寬

紅袖添香圖

風澹花濃日亭午裊裊香烟飄一縷美人私祝結同心佳
日渾忘搗羯鼓柔荑葱指出紅袖香藹春雲生遠岫篆香
偏戀負情儂鳳炭已灰開口獸

登華圖

日在華陰道上行不識華山斧削成掀袂試登華山頂山

出足下青雲生雲海低沉銀露涌月華散彩羣峰拱珠光的
樂星光稀花氣郁濃寒氣重

仇池九十九泉圖

畧陽舊是武都郡嘉陵江接仇池近夢遊我竟追坡仙風
引鵬搏驚海運九十九泉親歷真三月三日多遊人桃花
流水不知處童顏鶴髮誰與鄰卜鄰築室泉邊住問津不
必漁人渡珍珠瀑布水晶簾雲母屏風連理樹連理芳菲
仙令來羣真久已會蓬萊祇因咳唾霏瓊玉冰雪聰明笑
口開

鄴中吏隱圖

先生四十強而仕五十新開吏隱園種菊種荷兼種竹忘

人忘我更忘言優游衰朽多佳日點綴塵囂作遠村白版
扉無城府氣黃庭內景探根源

冰筴十六韻

雪消冰削筴檐溜玉爲肌姑射陳籌借楊妃帶笑窺是誰
同七失取玩共狐疑皎皎懸鍼峭條條倒薤垂米煩元禮
算截致亞夫危密比晶簾隔輕敲石鼎歌萬錢無下處一
指有餘師豎或明心性裁寧任轉移諭衡錢凌人非職掌
膳卒獻箴規向日凝鐘乳觀爻戒朶頤飲偕黃蘗苦直表
廣平宜珠貫奎聯璧囊傾穎脫錐擊盤歌正永彈缺數何
奇鱸切魚爭負胎寒水注茲筴前真皜潔牕外互參差識
得空仍色原從影弄姿

晴牕卽事

分得晨曦一角紅
攤書移向綺牕東
自憐老眼昏花後
追憶童年醉夢中

百年三萬六千日
奔走東西南北人
把筆晴牕課兒女
老夫一半誤青春

由來愚魯勝聰明
况是前賢畏後生
五十知非今學易
吉凶悔吝動時萌

梅花一枝兩枝橫
几研香浮沁骨清
堅守歲寒盟素志
都忘榮辱此身輕

喜武虛谷明府至鄴

強項吾儕事循良
大好官欣聞七年別
猶守寸心安不廢

經生業來尋牛耳壇鄴中餘片石高步欲追韓

細目豐頤像金鄉石室中臨摹千里寄神韻一人同

黃小松司

馬摹寄金鄉縣漢平狄將軍扶溝侯朱鮪石室鐫畫像中有一人深衣寬博細目豐頤神似虛谷

建武鐫

朱鮪烹平誤魯恭

水經注載魯峻碑誤以峻爲恭

何須題姓字尙友夢魂

通

擬范石湖村田樂府六首

口數粥

序云二十五日煮赤豆作糜暮夜闔家同饗云能

辟瘟氣雖遠出未歸者亦留貯口分至襁褓小兒

及僮僕皆預故名口數粥

昨宵已送竈神去今宵煮粥分口數赤豆躍躍釜中鳴炊

烟縷縷瘟鬼驚瘟鬼跛足形猙獰庖夫怵爾歸鼎烹襁褓
小兒及僮僕闔家同饗團圓福三碗兩碗都均勻飽餐嬉
笑掃屋塵天涯猶有歸來人凍糜留切春朝新

爆竹

序云爆竹他郡所同而吳中特盛惡鬼蓋惡此聲
古以歲朝而吳以二十五夜

爆竹截筒驅厲鬼而今花爆易以紙硝磺勻配乾柴灰震
電駭掣子母雷紛紛紙碎風生埃啞啞笑走兒童來兒童
塞耳手撚火天花五色齊揚簌歲時剪綵傳鄉風南人信
鬼嬉吳儂殿司除夕直禁中一熱連百聲不窮咸淳歲時
記禁中三
十日爆仗有爲果子人物等類不一而殿司所進屏風外
畫鍾馗捕鬼之類而內藥線一熱連百餘不絕則爆竹以

紙爲之已始
自宋時矣

相暖熱

序云爆竹之夕人家各又於門首燃薪滿盆無貧
富皆爾謂之相暖熱

大家小家相暖熱赤燄青烟交朗徹抱薪指火燃初更前
街後巷喧重城再遲五日春光好今夜燒殘霜月曉里人
無賴唱秧歌相愛相親門外過黃昏照耀同白晝家計一
年松柏茂爐圍獸炭下氍毹兒女濃香攜滿袖

照田蠶

序云照田蠶與燒火盆同日村落則以禿帚若麻
蘸竹枝輩燃火炬縛長竿之杪以照田爛然徧野

以祈絲穀

麻蕒竹枝交縛束爛然徧野祈絲穀紅雲飄忽騰龍驤寶
幢森列迎玉皇男耕女織生齒衆終日啼饑還忍凍可能
斗米值三錢更祝深閨繭如甕玉皇笑許田蠶豐爲魚爲
鱣無情農太人占之福履重牧人有夢忘神功

分歲

序云除夕祭其先竣事長幼聚飲祝頌謂之分歲
夕祭先祖分冬春禮成聚飲誰主賓年年祝頌今已老環
視兒孫年不小可是新年勝舊年老當益壯窮益堅願我
精力倍疇昔期頤耄耋聲喧傳我祝兒孫追既往詩書曾
否隨年長更有稚子新脫襁炯炯目光神氣爽

賣癡歌

序云分歲罷小兒繞街呼叫云賣汝癡賣汝歌世
傳吳人多歌故兒輩諱之欲買其餘

小兒不識盈虧數生怕癡歌賣不去今歲癡歌一夕除明
年日讀萬言書生人盡被聰明悞我覓癡歌無買處渾沌
未鑿存其天白駒任逐韶光度支離好作阿家翁小兒笑
我癡且聾我得癡聾樂無窮閉門惟覺春融融

四百三十二峰草堂詩鈔卷第十九

惠州 趙希璜 渭川

戊午

春盤歌

曙星三五明東方金雞玉燕春盤香蘆菹紅絲遞纖手芹
芽翠縷調椒漿更作餅餌復軟美澆以醯醢騰光芒齒牙
殘闕亦飽飫盤盂綺繡迎休祥我覓孟嘉嬉座上喫酒藥
已笑相向試戴銀旛瑞氣開看烘麗日紅梅放欣歡兒女
慶團藥頌禱賓朋交謔浪慙慙寄語青洪君如願來家多
福相

卽事

瞳瞳曉日上牕紗照我銀髭威歲華未見小梅春意透襲
人香氣水仙花

席上口占贈朱春源兼呈陳德隅

甲海

散官忙是放衙時招我幽齋叙澗離盤有春蔬供客饌胸
無城府和陶詩頭巾不必誇虛漉手版何妨醉倒持更錢
髯翁鬱林去看山陽朔道中奇

時德隅明府引病歸里

哭叔明

淚盡惟有血四年兩哭兄

四年之中伯羽叔明相繼下世

老來知會少身

後識官清慟極不成夢魂歸儼若生似猶憐弱弟手足至

關情

仙路桃源香星沙鵬鳥鳴

叔明卸桃源縣事年雖逾賈傅後歿於長沙寓邸

相未卜唐生本鮮輕肥志兼無仕宦情勞勞歿

王事介石與名成

淮陰生我地先後丙寅人總角即能友齊年疑問賓

叔明與余

異母而同歲見者每俱以爲學生

迷藏花下捉狙豆戲時陳讓棗分梨事

追回五十春

對客揮毫日壁窠書九齡

叔明九歲時即工壁窠大字

歐虞工小楷義

獻守先型筆陣臨池墨韋編汗竹青吉光珍片羽繭紙認

蘭亭

春草

悼亡兄也

柔情祇合付東風生意郊圻一望中庭砌無人憐自綠池
塘有夢爲誰通棣華輝暎成今昔柳浪迷離辨異同沅芷

湘蘭騷客淚那堪仍灑白頭翁

織纖如織細蒙茸同氣纏綿分外濃
暝月忽單鴻序影陟岡難覓脊原蹤
暗催遲日三千界遠鎖浮雲幾萬重
簾外搖青青不斷向榮小草感遭逢

烟雨空濛漲楚江片帆輕挂碧油幢
已看杳靄隨波逝何處墳簾迭奏雙
翡翠羽衣牽荇葉蔚藍天影入蓬牕
烏啼花落傷心目又聽疎鐘斷續撞

櫨棟梗枿不可爲甘同藜藿復何疑
欣欣日長排青瑣煥煥光浮認白眉
野火尙留餘燼在麝香空羨過時遺
看他繡陌饒清麗使我魂銷到九嶷

難忘最是故山薇對爾方知薄宦非
閒采嫩苗兄弟菜同

披野服薜蘿衣斜陽欲下牧驅犢曲徑通幽雲護扉蹣躑
尋春思往事眼前春色合愁圍

踏青獨馭短轅車草已埋輪歸路徐縹緲粘天神韻裏風
波平地笑譚餘浮萍忘是垂楊化大塊真同逆旅居試向
康成覓書帶菁菁猶滿舊庭除

茵芝蘊藻正蕃蕪十步留芳忍向隅種自西方來苜蓿行
經東海參龍芻離離亦弄搖春影冉冉還縈開蝶鬢幾簇
曉烟籠雨後風光澹遠洞庭湖

無嫌散地與幽蹊夷險雲山一色齊樹背新看鋪淺黛傾
心先自露柔荑任教着色渲螺髻敢惜含章襯馬蹄別有
洞天何處是問津重向武陵迷

南浦瞳矐被凍亥王孫年少騁遊懷是誰望遠情偏切有

鴉藏春願未偕蒼蔚扶支宜夜月

望舒草出扶支國見月出則舒

蒙龍吉

利獲金釵登樓我獨瞻叢薄邈若河山玉樹埋

柴門何肯剪蒿萊燕雀依人莫見猜留得濃陰鋪徑滿不
同紅杏倚雲栽植根淺薄愁風雨指倏分明任化裁欲乞
長生尋柳泌靈仙大半住天台

蘭亭脩禊永和春都是山陰卉服人修竹虚心同彼茁良
苗後日與懷新已將消息傳來徧仍現風流未了因甲坼
勾萌濃復淡萬方長養荷陶甄

清明穀雨蕙風薰催轉黃鸝曉漏聞仲蔚居還添氣象不
其城定識氤氲千層縹影抽榮早一桁晴光斷靄分知有

莫宏遺恨在路旁若箇附青雲

相隨桃李妙無言幾耐冰霜又返魂他日名爭傳勁節小
時芳已滿蓬門壽春山上葳蕤貌茂叔牕前道德藩爲問
生芻留一束溫其如玉幾人存

滋蔓牽連零露漙漙燐燐微吐碧芒寒荒原未腐爲螢火幽
谷含胎伍蕙蘭低接重茵鋪闔外燦如新月掛眉端頓生
天際真人想羣靡臨風秀可餐

蓬鬆倭墮小鴉鬟柳暗花明水一彎萬里烟霞烘曙色十
分蘊藉在東山丰姿總付夷猶外裝點原歸俯仰間誰叱
羣羊都化石午橋空破晉公顏

清淨重開色界天光明螺髻化芊眠散花不覺紛紛墮得

路何妨步步先輓胃游絲拖綬短輕調湛露染袍鮮慙勤
寄語長安客仔細吟哦白傅篇

登樓望遠碧天寥如畫江城響暮潮浪起桃花纏荇藻鳥
翻翡翠映蘭苕驚看二月蘆芽短憑弔三吳粉黛嬌寂寞
張融酌杯酒靈和殿柳黯魂銷

三月清明節已交客情無那賦崔郊剪齊翠羽鶯梭織牽
引青蘿屋角捎一卷離騷空寄恨暮春荃蕙竟爲茅無聲
小雨濛濛裏又見新芽發舊苞

河豚欲上滿萋蒿春水新添一尺高穩坐輕帆歸碧落靜
聞香芷起靈濤飄流眼底萍踪合酪酊船頭酒興豪七澤
三湘美人杳好憑明信淪谿毛

喬松耿耿掛纖蘿得托清陰自聳多原與山林供嘯傲幾
經風雨受蹉跎倚天老幹千絲附搖羽長鳴百鳥和獨寐
寤言還永矢安舒惟有碩人邁

五兩雙雙燕子斜對他晦暖落天涯閒挑野菜嘗茶苦細
認叢蒿莫蹈邪疎竹密排穿徑笋小桃開徧隔墻花懷香
我讀嵇康賦蒙楚高蹤嘆已遐

相鮮瑞露汎榮光五色紛披百卉芳好藉落花歸澹蕩漫
同飛絮舞輕狂文階鏤瓦蟠根久碧地青垣東髮長祇恐
徐熙難下筆空勞妙手寫生忙

夾溪兩岸嫩芽萌倚檻微參物外情三日輕陰飄好雨一
枝柔櫓入春城新居紫翠東坡老舊日生涯向子平知道

歸山饒逸趣葆真不與世枯榮

叢生蔚蔚首陽苓似共芝蘭結契馨何以舍旃人落落轉
辜望遠霧冥冥春盈郊甸終朝綠身寄蓬萊萬古青上界
神仙偶游戲廣陵散奏華陽亭

參差疎密影層層拾翠瀛洲瑞氣凝天上雲凌青瑣客江
邊浪狎白鷗朋蔥隴崖巘千尋出意氣吾儕十倍增廳壁
有人題姓氏藍田莫或負崔丞

初萌何處認薰蕕徧地生機氣象伴最憶交輝花萼被翻
憐爭耀雉頭裘踏來荏弱陰難滿看去輕盈綺漸抽都向
眼前添色相不堪重溯曲江遊

有無掩映聲情深消息微茫不可尋色奪空青披倒薤氣

呵磁石引懸針欲緘韶景三分媚遙寄相思一寸心躑躅
道周多感慨浮名與爾共升沉

蓬蓬大地任包含攬勝龍門禹穴探暈到籬邊深蘊藻晴
開天外密拖藍軟風好趁湘紋縐薄扇還教蝶睡酣一自
嶺梅香蛻後杏花春雨望江南

青裙析析唱吳鹽泥落空梁燕入簾且向芳洲尋杜若頓
驚故素染新縑一時警句歸靈運三語頭銜問阮瞻同異
任憑人領取嫩寒月細曉風尖

東王公遠遺琅函十八封姨暗啓緘惹指纖纖拈斐亶瑤
臺鬱鬱隔仙凡填平鳥道高低阪挂住征船上下帆風雨
對床思舊約異鄉痛覓故欄衫

招同虛谷雲軒紫藤花下小飲是日風甚

雨霽天開日影嫩藤花蘊藉饒風韻紫光燄燄欲燒空霞
彩條條遙布暈如何亭午風生埃妒客看花幽徑來海棠
紛墮白于雪紅愁綠慘春爲摧惟有紫藤似含笑南方草木狀有
紫含笑花不與佛桑鳴粵嶠纏綿一任封姨狂知道噫噓來衆
竅

哭烏將軍

茫茫魚家壩滔滔瞿塘水刁刁血風腥漠漠陣雲起壯士
去不回效命歸視死化石殞大星殺賊矢厲鬼前年送君
行三月柳花裏馬上試彎弓東省奇男子對我淚滂沱從
戎四十載圖形

紫光閣三度歌振凱膚功受

至知薄青荷

恩旨塞外新

賜環鄴下春如海短轅駕犢車隻身來萬里餉午聞扣門
肅客欣倒屣君言入玉關故人惟有爾相看鬢都斑轉憫
過獨否祇此報

國心終生一日耳置酒款君住君首詢楚匪髮豎皆爲裂
奮袂忽瞪視我勸君西行君連稱曰是卽日馳襄樊不肯

羈寸晷

將軍自尹犁
余勸將軍從戎將軍卽於是日啟行

釋放回旗道出鄴下

據鞍顧盼

雄執鐙我長跪祝君平賊歸露布倚馬俟擒渠淨櫓槍塞
旗殪封豕從茲掃巢穴毋任肆殘毀詎意少制衆遂爲賊

所倚將軍帶領鄉勇二百人守開縣之魚家壩爲賊所乘遂致命焉道左迎君喪幽咽聲
變徵魂兮儼式憑倏忽慟靡恃就義本性生成仁著青史
舐面仰平原擬作千言誄

喜扶溝高雲亭檢討翔至鄴

老門生又三年別吏隱園重爲爾開天氣暮春宜鼓瑟花
間狂士且啣杯應知拙宦師猶弟喜踐前言去復來雲亭於丙辰握別時曾言復來省予我欲釀成千日酒待君九十剪蒿萊雲亭今年八十有七再三年則九十矣

漢永初子游碑

是碑豎剥僅存文十一行字全者七十有六不全
者有六首行載允字子游不見其氏下言於傳載

缺奚之難扶危翊放此當表其上世故文云口載

不隕以傳於

缺

是其義也屬句者右書不倦口口

事人犯而勿欺及廣延術士

口口

不惠可不之間

子游事跡畧可推見如斯然於廣延術士下有永

初字似子游當永初時有功績可紀間行廼述口

庶閔悼遠近同哀及不朽之名則其卒之歲未必

在永初中矣銘詞

口

在聖漢有莒有荆攷孟子以

邁徂莒詩皇矣作旅旅與莒同毛傳旅地名也疏

言旅地名則毛意以旅爲周地周此時在西莒固

近周之地亦必在西漢永初中西寇最甚者見於

後漢書安帝本紀元年六月先零種羌叛斷隴道

大爲寇掠遣車騎將軍鄧騭征西校尉任尙討之
二年春車騎大將軍鄧騭爲種羌所敗於冀西冬
十月征西校尉任尙與先零羌戰於平襄尙軍敗
績十一月先零羌滇零稱天子於北地遂寇三輔
東犯趙魏南入益州殺漢中太守董炳三年春正
月遣騎都尉任仁討先零羌不利羌遂破沒臨洮
四年三月先零羌寇褒中五年二月先零羌寇河
東遂至河內蓋積歲爲患搖蕩西州疑銘所謂莒
指叛羌也及元初二年十二月武陵澧中蠻叛州
郡擊破之三年秋七月武陵蠻復叛州郡討平之
此卽銘云有荆然則子游之沒蓋於元初後矣碑

前云廣延術士亦見永初元年詔文三月癸酉日
有食之詔公卿內外衆官郡國守相舉賢良方正
有道術達於政化能直言極諫之士各一人於時
子游必承詔以禮延之備薦舉也又敝我漢道厥
敝伊何敝卽補字碑石出土日爲妄人斷毀又鑿
其撇捺都失舊觀然盤挈倔強之趣故在也嘉慶
三年四月二十七日偕偃師武虛谷億徐方于宣
訪得之於豐樂鎮西門君祠內移置縣孔廟戟門
下碑埋土中久灰沙盤互字畫填結累日剔治始
見全文後人宜善護惜之

千六百載貞珉垂誰其餉我西門祠灰沙盤互字倔強竟

日拂拭勤磨治文存字僅七十六中可句讀與以奇首誌
子游名曰允姓氏已缺難與稽傳載奚難是何義推明先
世聊存疑永初之際災異屢臨朝母后勞詢咨元年三月
日有食詔舉道術廻天威豈允膺薦備顧問敝我漢道扶
其危黎庶閔悼哀遠近功績表見思當時有莒有荊在聖
漢尋繹事實於銘詞先零種羌斷隴道西州搖蕩師旅疲
武陵蠻叛擊州郡樓槍星繞重尤旗或允從戎於荆莒史
缺有間銘諸碑可不之間得夷惠事人特載犯勿欺丈夫
名成與行立有幸不幸真堪悲嘉名何者貴不朽奚必絕
域丹青馳笑彼燕然逞夸大刻石載筆班生隨又見子昇
稔岌業高王神武韓陵遺黃泉未泯此數字蒼苔盡剔開

晴曦摩挲古物我嚮往藏諸孔廟留英規

劉君碑

碑石鑿斷穿孔龕置西門君祠左右作門闕縣吏
添仕麟偕工拓宋馬需修祠碑於門側瞥見拓之
以歸其一石文凡六行全字十有三不全字有七
又一石五行全字十九不全字有八前春秋字博
覽字常百人字及簡□□心民人去□字蓋有位
而顯以澤於民者也國之商兮商當是齋字既稱
爲國齋於漢爲劉氏矣碑側歲在辛酉三月十缺
東漢辛酉凡三見明帝永平四年安帝建光元年
靈帝光和四年攷後漢書劉梁本傳梁字曼山一

名岑

文士傳作一名恭

東平寧陽人也梁宗室子孫而少

孤貧賣書於市以自資常疾世多利交以邪曲相黨廼著破羣論時之覽者以爲仲尼作春秋亂臣知懼今此論之作俗士豈不愧心其文不存又著辨和同之論其辭大畧引春秋以諷世桓帝時舉孝廉除北新城長告縣人曰背文翁在蜀道著巴漢庚桑瑣吏風移礪礪吾雖小宰猶有社稷苟赴期會理文墨豈本志乎廼更大作講舍延聚生徒數百人朝夕自往勸誠身執經卷試策殿最儒化大行此邑至後猶稱其教焉特召入拜尙書郎累遷爲野王令未行光和中病卒孫楨亦以文才知

名植字公幹與北海孔融山陽王粲北海徐幹廣
陵陳琳陳留阮瑀汝南應瑒齊名號鄴中七子魏
志文帝爲五官將及平原侯植皆好文學故七人
並見友善幹爲司空軍謀祭酒掾屬五官將文學
後以不敬被刑刑竟署吏幹琳瑒植二十二年卒
碑中所載類似梁事梁於光和中病卒其梁之遺
碑歟

國之裔兮伊何人向歆以後無其倫我從西門祠外過頽
垣敗壁風打門左右門闕穿巨孔兩石對待生精神瞥見
歲在辛酉字如以錐畫玉筓文一石中虛儼拱壁一石月
魄空留痕竭來朝夕司啟閉等閒沉晦經千春排門大呼

字隄出想彼奮筆思凌雲漢儒競尙公穀說春秋高挹奚
紛綸簡在帝心識望重民人去思社稷臣披閱范史新城
長和同辨論稽劉君援引春秋愧俗士生徒延聚程先民
何以鄴下一片石大書國裔豐功存建安七子誰最著公
幹卽是君之孫豈君光和徵未就遂爾偃蹇漳河濱後人
鵲起茂文學似歆接向醇乎醇遺碑頓下訪古淚風移碣
礫紬君言

正直碑

碑字幾二寸餘中鑿大圓孔殘毀元文最多凡得
字八行行中全字三十有四不全字十有三第一
行正直是以揚名於州里詩小明作正直是與攷

儀禮鄉射禮執弓各以其耦進注以猶與也今文以爲與則詩所謂與者今文此碑所据古文也後文示辭曰集韻其古作示是碑足以證明古文字如此舊埋棄西門君祠外頽坊下康熙某年建坊穿孔安柱今柱已朽折而碑猶存殘字若干古物淪毀自吾儕剔治磨拭之俾復光顯於世其有奇緣與此與子游殘碑同日得之尤可喜也碑無題識卽以首行正直字題曰正直碑

字經五變古意亡好從漢隸闕鍾王覃思十年創程邈繁複已去形意彰却于殘碑得正直徑二寸大如椽筆今文古文孰辨之訛以傳訛非散佚卽今證古古意存頽坊朽

柱藏精魂滄桑未爛韓陵石遷移依附西門君鑿殘猶餘
卅四字荒涼莫載鄴中記重來著錄趙明誠少吐心胷不
平氣正直是與詩小明是誰傳寫悞葩經世人章句苦相
守幾曾州里一揚名

元孫碑

是碑棄置西門君廟壩田間偃師徐方于安陽柴
望之汾陽趙仲原尋出僅得遺字四行字全者十
有四而已不全者十有三前云遺孤奉承字蓋述
其家之式微故繼以大兄早終是爲可哀也書之
秀蘊當奉爲神品

猶有餘哀舊淚痕四行遺字載元孫大兄可是歸來鶴精

衛空留萬古魂

晴窓翰墨結奇緣訪古幽情片石傳
割李分程波勢好土花剝蝕已千年

四百三十二峰草堂詩鈔卷第二十

詩
碑

惠州 趙希璜 渭川

戊午

黃小松司馬 易以建蘭茉莉二種易漢碑

消息傳來幽谷香風流佳話小南強籠鵝不換羲之跡有

客還空北海觴

附寄武虛谷酒二巵

我愧心清聞妙諦君分韻事與

平章一千六百年遺石破紙舊煤生古光

鄭孝子文江詩

文江如臯人僑寓浙川偶不戒於火室被焚文江
赴火救二親適二親從間道出文江竟被焚死聞
者傷之

仁至義廼盡身殉孝始金殉孝本殉道仁義與爲緣卓哉
鄭文江至性何纏緜侍親來如臯行李荷一肩依劉異王
祭遊幕倚浙川甘旨以遺親菽水明承歡詎遭祝融虐巢
破卵不完忽來譁尾聲又聞鬼車喧烈燄驅火龍轟擊鳴
雷鞭廬舍化煨燼里巷填人烟頭額孰焦爛婦孺嗟顛連
孝子急親難望門零淚漣赴火拯吾親誰爲趨之前親從
間道出孝子身隕焉身隕而道存行路交永歎欲挈凜凜
氣風世仁義端純孝非愚孝一死心以安重作寒食節爲
君表奇冤

題周服谷大令

震甲

曬書圖

二樵昔作曝書圖趙德通經愧故吾航海秋風欣附李行

吟春夢笑追蘇卅年回首潮陽事萬里空憐穎士奴

老僕王吉

祥隨余四十餘年矣杜庫曹倉讓儒藏淵源脰谷過庭趨

壬辰客潮陽李南礪

先生幕隨南礪渡海海舟隘水入艙書簾盡濕余親為披閱曝諸日中適脰谷尊人書昌信至有儒藏之說順德黎

二樵為南礪作曝書圖

傳看循吏合儒林不負寒牕十載心衣曬道南同免俗手

攤魚粉獨長吟遺書尙守秦灰笥擲地應聞魯壁音何以

孝先眠起早三春高日惜分陰

感懷

秋風秋雨暑未消木樨香泛金風飄空庭獨步意漠漠驚

看歸燕心搖搖歸燕賓鴻如寄耳忽離忽合成悲喜繁華

參透逐炎涼道路纔逢說臧否頓從閱歷悟人情飽看交

遊百感生臺榭昔年吟眺地烟花三月醉歌行良朋相愛
復相狎侮弄青陽穿白袷茫茫塵海任徜徉那計乘車忘
戴笠時移景易舊情非鴻鴈來賓燕子歸往事尋他同夢
幻故人如我尙然疑

和吳菰圃方伯豫闢植桂原韻

豫闢監臨廳壁有雍正乙卯黔南王公

士俊

監臨

文闢植桂記石刻今桂已無存嘉慶戊午菰圃方
伯補植四株復爲之記兼系以詩

此日蒼苔上舊欄當年金粟聳高寒四株補植燕山樹一
研濃磨孔氏壇

持衡扁院已三經

方伯已三任監臨

清漢遥遥有一星丙夜光騰

青赤道黃人望氣月傍醒

和顏耘圃見贈原韻卽送其赴江西廉使任

祇緣未得買山錢漫學洪崖笑拍肩昔住羅浮梅繞宅今
悲李白酒成仙暮雲斜日征途杳臨水登山別興牽君若
經過彭澤縣新詩珍重和陶篇

附原韻

沽飲何須費一錢耽吟依舊聳雙肩能堅酒戒方成
聖不了詩緣亦是仙竟夕談心嫌夜短當秋話別倍
情牽我今又復題新句爲有羅浮四百篇

再和耘圃叙舊原韻

君自滇海至我如道者駸不知道之道跂望遙天潯涼月

秋風生梧桐高千尋蕭瑟落金井攀援捫辰參俛首發長
嘯誰識鸞鳳音

雅意調絲桐素志孚豚魚倏來紫府吏遺以琅函書書中
何所云養生求真如真如在方寸良言欣起予

新闢吏隱園翛然致幽遠列岫萬重青揮毫一笑遣叢篠
繞亭密曲沼隨廊轉輪驅影娥行高掀雲母幃斯時倍空
明掬波還泮勉不見騎鯨人涉游嬉短絰

東澗西澗水分支來遐方溯其匯歸處有客登高望燦若
羅星辰劃然區井疆會心不在遠雌雉啼山梁五常誰第
一白眉云最良時哉君得路萬里乘風將真如有本者源
遠而流長顧我愧潘岳栽花盈河陽

歷歷漢陽樹杳杳長干路駸駸賦載馳皇皇仍枉顧久別
疑新知茫然忘道故羨君卓犖才而我窮能固話長愁短
更墻頭升玉兔恍如百鍊鑑可別鬢眉數考績承之推癖
左譏杜預小言何詹詹不覺狂態露曉來衆鳥喧向人競
嘲訴已屆徐勉年豈宜勞細務却憐掉臂行好朝偏惡暮
人藏荆山寶各盡元言趣通姻聯小輩黃頭重伯度八載
晨星散今似戲鵲聚松竹燈火深風雨簾帷故詞源來奔
波爭流任狂赴挹注隘溟渤方圓奚轉註絕塵懷高抱水
經與山疏簡貴王藍田得其曠淡處知非鑿渾沌老竟同
癡具新學瑯環訣澄氣擬茹素瑯環記下士學道因其飽
氣昏故茹素以澄其氣飽
飫琅玕實敲碎珊瑚樹飄飄仙子臨賞心接清晤

黃金本無價珍重鑄牧之洛陽奚紙貴傳寫左思詞千秋
文章業名必與實隨矧當服官政樹德宜務滋明鏡不疲
照龍門桐無枝丈夫磊落行冰雪太古姿心齋每坐忘尋
常笑舒遲卅載一廻首對牀風雨時

風情似符老蕭蕭鬢絲多飲茲離筵酒朱顏奈老何亦願
乘長風遠破萬里波良驥垂兩耳中坂嗟蹉跎

附原韻

秋風吹朔塞公馬來駸駸去秦而入洛相送灤河潯
執手別千里歲月苦侵尋公北我復南隔越同商參
相思不可見有時託高吟鸚鵡鳴求其友能毋懷好音
好音時一至貽我雙鯉魚迢迢望遠道珍重故人書

書中言相憶慰最情何如厚意久不報疎濶惟慙予
慙予驚鈍姿負重而行遠矧值師命煩努力任驅遣
軍書挾羽飛宦轍如輪轉瘴雨濕髣髴鬢烟衝帷憶
非敢云賢勞奉職期龜勉誰歟知我心獨立情繾綣
繾綣懷伊人伊人天一方遠意不可極脉脉遙相望
一朝新命來策馬辭邊疆旣由黔之楚遂過宋與梁
側聞使君賢輿頌歌循良更拜使君惠遣騎相扶將
扶將一何急兩地情同長日暮驅我車鞭影隨斜陽
斜陽掛晚樹欣入衡漳路到門一刺通相見復相顧
意氣仍似昔顏色訝非故公髮已華顛我齒亦不固
別去曾幾何流光感烏兔踪跡分偶睽會合終有數

四
三
二
一
卽此一夕談意料非所預設席陳文茵開樽酌花露
積抱會一傾離懷各相訢慷慨論世情瑣屑問家務
不覺宵已闌但恨來何暮

來暮亦何嫌小住自成趣何況座中人汪洋有叔度
兩世聯婚姻三姓一堂聚杯斝互酬酢追歡仍道故
公才如滄溟含納百川赴政事有餘閒精心事箋註
均田有乘書治河存章疏檢也驚望洋亦畧識佳處
仕優不廢學乃有濟時具由來名宦表不改書生素
清風來階除朗月照庭樹泠然滌塵襟此會真良晤
良晤能有幾舉酒再酌之此中得微契殷然前致詞
長公試京兆坦腹行相隨旣勤菑畬力自邀雨露滋

羣季階前立森森玉樹枝春風長培護濯濯挹新姿
人生得至樂何爲歎衰遲衰遲亦可懼慎毋失良時
良時不易得去日已苦多良晤不易得其如又別何
睠往驚電影思來感逝波遭逢明盛世相勗毋蹉跎
題會稽徐蘆船巖采蘭圖

三月幽香九畹蘭摘來不是夢中看紅桃綠柳風光好語
燕啼鶯鶯春事闌

天上石麟紉作佩人間琴操聽君彈詠觴久結同心契童
冠應偕一笑歡

惟有山陰道上人難忘修禊永和春黃庭寫罷籠鵲去蘭
紙蘭亭墨跡新

吳壽庭

樹萱

同年主試粵西差竣過鄴見訪不遇夜

宿豐樂鎮行館緘詩索和因次其原韻二首

久從舉止識詳妍重結丁年翰墨緣

予於丁酉歲識壽庭於京邸

使節

旋轅題鳳字酒卮行館笑金船烟嵐陽朔詩囊滿文字宗
元玉尺傳疎影暗香來月夜驛梅迎送著鞭先

麤飯幾忘辦阮家漸消記性嘆年加勞勞道左風塵吏疊
疊枝頭旌節花已是抱關同尹喜頗知博物訪張華緣何
咫尺仙凡隔醉後緘詩澹墨斜

附原韻

鷗波風格最清妍譜荔栽花瀟灑綠洹水濃棠仙令
宅豐湖肥鯽釣師船字從政暇羣儒問句爲吟成萬

口傳我自灘江迴客棹一詩便作乘常先

草木烟霞自一家羅浮落翠影交加大文許配韓陵
碣妙筆能生鄴苑花得助江山真詆宕論交屢屐屐
清華伊予獨負攀嵇願古道西風看日斜

花豬

北地所僅有吾鄉同素餐黃雞誰作粥玉局強爲歡乍向
屠門過偷將食指彈遼東希重賞莫作等閒看

送宣城方式亭

楷之觀城

吾師貽我尺素書云有宣城方子來鄴都其人善書復慕
隸詩文成就真吾徒邇欲縱觀嵩洛勝躡屨不許浮塵拘
更遊泰岱至東魯徧交天下之通儒趙生爾好古漢碑新

出土永初年已千山房石凡五明誠著錄嗣前徽六一歸
田何足數吏隱園開晚節香訪碑圖就良工苦朔風淒淒
雨雪霏霏行蹤落落落河水瀰瀰方子一住十日別我去觀
城東邁吟新詩詩中何所云詠我或少或老如浮雲雲中
何所見笑我忽合忽離同掣電滿載四種漢隸碑題罷十
圖征馬嘶飄然掉頭不肯住相思又落天之涯十圖者今
宋潤圖予自少至老數十年之閱
歷也式亭瀕行爲賦長句十首

以三千五百文買得柿旺地術者謂是吉壤夜夢一
髯者長吟人生安得如汝壽句因屬對曰吾將終
老於其間醒後戲足成之

人生安得如汝壽吾將終老於其間曾聞郭璞精斯術却

笑蘇髯肯破慳綠水一篙春浩浩白雲滿塢意閒閒百年
後有長眠客花落花開且看山

和覃溪師題訪碑圖原韻

緘詩遠寄訪碑者目眩星斗羅心胸此圖新得我師筆快

聆指示初發蹤四碑橫卧西門廟雙扉乍啟青泥封徐

柴望竟曰手親剔郊島吟苦風鳴冬近復審出凡彥字于方

君碑殘泐處復剔出彥字似銘國裔該初終圖成石峙水

之半當是凡之彥兮爲句一曲筆飛穎脫囊當中分割斯邈見波勢揚名州里迴頽

風正直碑云正直是汨汨清漳寄情遠洋洋爲客嗟流從

紫陌遙通溯麗景銅臺高揭呈妍容我偕虛谷入祠廡碑

稜四面生霜鋒奚以灰土久盤互轉嫌圭角新磨礱東都

殘泐孝經本或顯或晦將毋同村前村後不涉學鑿穿鉤
畫心之壘齋存研棧隸追古園闢吏隱仕代農探竒攬勝
頗肆志不憚獨往攜長筇自秦歷豫又八載如何陟華忘
登嵩尺幅烟嵐致瀟酒千里贈遺歸筠筒哲問久廸斤邱
令門才滋愧馮文熊

附原韻

我題安陽四碑後復得精拓豁我胃又觀訪碑繪橫
卷如披烟樹尋遺蹤諦審銘文國之裔一字剔盡莓
苔封東平劉掾西掖詠清漳卧疾彌春冬誰知乃祖
銘石在野王令以何年終大書辛酉歲三月驗此知
在光中和同義闡春秋學新城化被庚桑風著錄

百人盛文苑惜無姓字碑陰從有孫建安列七子建
章臺集歌雍容爾日此銘共傳寫八分誰氏廻銛鋒
趙生又寄鄴臺字後三百載門石礪一石云齊天保八年九年造銅
雀臺石齏之門百代之後見此銘者當復知之何人遙計百代後却來璫蠟
四石同大河湯湯流日夜遺瓦處處欺盲礪四碑五
片一朝聚使君不愧良石農墨卿蓮府又繼往千里
和我搗吟笥伊比部墨卿奉使湖南道出安陽屬爲多拓此碑而適聞蓮府奉使於此也
真同繪入此一幀中州金石該說嵩寄聲精良慎楮
墨接踵訪剔勞郵筒嵩陽居士青眼夢墨池已放光
熊熊

和同年法梧門

式善

祭酒西涯詩原韻三首

梧門原序云西涯卽今之積水潭在李文正舊宅
極西故名非別業也余旣正李廣橋當爲李公橋
因繪西涯卷子並摹文正十友圖中像於幀首賦
詩以紀之

甲辰十同年首紀西涯名我昔展遺卷讀公文縱橫焦芳

李冰炭久劉大夏閱珪

眉宇清嘉會積水潭俛仰生空明今

爲詞人宅林木森春城良辰二三月桃李舒繁英日光侵
戶牖燕雀喧檐楹魚菜笑設客似聞伸紙聲欣然而命筆
聳立鸞翮輕風操繼前哲時序雖迭更領袖文章者曠懷
詩酒縈二百九十載牛耳操先生

幸附齊年生不以仙凡隔筠筒郵新詩茶陵檣賜宅想當

名盛時猶如駒過隙大匠儻千秋韓陵餘片石喟歎子昇
文零落漸荒僻野水澹拖藍山花間紅碧雍容追七子建
章臺縱適曷若德有鄰先生永朝夕圖成西涯像人仰東
山展霖雨望久隆風規今勝昔往事獨裴回遺模倍珍惜
展卷寄幽情詩龕春夢積

忽引續貂興笑啟談天口生徒庾杲蓮門下王恭柳間難
執經前微茫精義剖辦香南豐人敬上西涯否涯當西復
西從某而至某橋訛李廣名亭頽桔槔久淨業證慈因真
如破諸有滄波豈易招忘機應尙友詞章倡諸儒珠璣霏
八斗豈必拘繩墨引削事牽守顧我趨風塵陶巾歎空負
月朗遠公池誰滌泥中藕

附原韻

西涯我屢至未暇考厥名指爲積水潭極目煙波橫

荷花亘三里客至誇幽清賦詩矧勝流

今歲看荷賦詩皆一時名

輦

佳話傳春明茶陵昔賜第言在西南城西涯乃別

業下直聯羣英不知公少日矮屋三五楹紅燈炯一

樓時聞讀書聲老臣憂國深家室心所輕故宅竟不

保居人凡幾更慈恩寺遺址秋夢時廻縈騎馬見林

木隱隱思平生

路折李公橋吾廬一水隔楊柳綠依依不見李公宅

桔槔亭已頽清響動林隙微風冷稻田斜月澹松石

菜圃旣荒蕪蓮池復幽僻零落經壇花映人猶深碧

李公社稷臣杯酒非所適揮涕白鷗前散髮秋堂夕
竹林寄餘興禪房時著屐偶然出詩句幽懷感今昔
魚菜尙難具平泉安足惜惟有法華庵空廊黃葉積
客來訪西涯扁舟艤潭口指點城外山問訊風中柳
我亦沿舊說溪橋未深剖看花年復年魚鳥笑人否
譬與名士居不曾辨誰某一旦識姓氏翻悔坐失久
快讀西涯詩西涯乃吾有高文雄一代舊圖誇十友
翩然神其來髣髴見山斗奉像於詩龕紵衫與朱履破櫝
僧能守風流漸銷歇我恐西涯負但期隨老漁煙篷
賣菱藕

再和續西涯雜詠十二首

激潭漾晴日綠波縈鳳城浮萍逐波長不知春水生

潭積水

路入滙通祠華鱗唼清滂西山一角紅鴉向斜陽噪

滙通祠

羅刹禮般若淨心歸慧海慧海超沉淪色空觀自在

海十刹

淨業湖水深中有聽經魚魚證淨業因俛首梵王居

淨業湖

虹橋跨銀河天花飛不著濟世李西涯何如王景畧

李公橋

松街午陰濃無聲反舌啞誰跨青牛行老聃來柱下

松樹街

因以慈始著此是平生因世尊敷禪旨清淨忘華紳

慈因禪院

亭空明月來水繞垂楊埭入市老漁人筠籃貯鰕菜

鰕菜亭

閣自溪頭聳烟向風中斷一點佛烟青疎鐘聞夜半

慧果寺

有聲出天籟非秋垂研露灼灼開紅蕖漠漠飛白鷺

豐泰庵

幽艷衆卉含積翠羣山吐人影小橋西初暎剛映石

清水橋

詩境與詩龕甲乙評次第汝南月旦人風流高一世

詩龕

鏡聽詞

敝蛙縮足入人腹寶鏡沉輝憑爾卜更闌默禱辭竈王側
身蛇行出茅屋東鄰爆仗聲轟天西鄰粃盆烟眯目低眉
歛衽前致詞里巷小民事徵逐忽有一家斜掩門燈光遠
透疎牕昏內有一人兀然坐喃喃嚙語縱橫言斯言試證
來歲事爲臧爲否都忘詮夢中說夢何日醒好向兜元尋
靜緣